

Na osnovu člana 36. Zakona o osnovnoj školi ("Službene novine Zeničko-dobojskog kantona", broj: 05/04.,20/07, 09/11, 4/14), člana 107. i člana 112 PRAVILA škole, Školski odbor JU OŠ "Miroslav Krleža" Zenica, na prijedlog Vijeća roditelja, na sjednici, održanoj 21.11.2017.godine, donosi:

## **PRAVILNIK O RADU VIJEĆA RODITELJA**

### Član 1.

Formira se Vijeće roditelja JU OŠ "Miroslav Krleža"u Zenica(u daljem tekstu: Vijeće).

### Član 2.

Vijeće ima funkciju da: promoviše interese škole u zajednici na čijem području se škola nalazi, predstavlja stavove roditelja/staratelja školskom odboru, podstiče angažman roditelja/staratelja u radu škole, informiše Školski odbor o svojim stavovima kada ocijeni da je to potrebno ili, po zahtjevu Školskog odbora, o svakom pitanju koje se odnosi na rad i upravljanje školom, učestvuje u izradi i realizaciji odgovarajućih projekata, kojima se potiče i unapređuje rad škole, kandiduje i bira jednog predstavnika iz reda roditelja/staratelja učenika škole u Školskom odboru.

### Član 3.

Vijeće sačinjavaju po dva predstavnika roditelja učenika svih razreda škole, koje biraju roditelji/staratelji na roditeljskom sastanku, na početku školske godine, stim što treba nastojati da izabrani član Školskog odbora ispred Vijeća roditelja bude član Vijeća u cijelom periodu mandata u Školskom odboru. U slučaju da taj član Školskog odbora nije član Vijeća roditelja u nekoj školskoj godini mandata, obavezan je prisustvovati svim sjednicama Vijeća roditelja.

### Član 4.

Nastavničko vijeće škole, svake školske godine, imenije jednog nastavnika koji će koordinirati rad vijeća roditelja, prisustvovati sjednicama Vijeća i zastupati stavove Vijeća roditelja na sjednicama Nastavničkog vijeća, a isto tako upoznati Vijeće roditelja o radu Nastavničkog vijeća.

### Član 5.

Prvu konstituirajuću sjednicu Vijeća saziva direktor škole, nakon zvaničnog poziva svim izabranim predstavnicima u Vijeću roditelja.

**Članovi Vijeća biraju, većinom glasova svih prisutnih članova Vijeća, predsjednika i podpredsjednika Vijeća na prvoj sjednici Vijeća. Predsjednik i podpredsjednik ujedno čine rukovodstvo Vijeća.**

## Član 6.

Članovi i rukovodstvo Vijeća se biraju na jednu školsku godinu, i mogu biti ponovo imenovani.

## Član 7.

### ***Zadaci i ciljevi Vijeća roditelja:***

- aktivno učestvuje u raznim oblicima rada u školi, koji su u domenu rada Vijeća,
- slobodno izražava svoje mišljenje i daje prijedloge organima škole za poboljšanje uvjeta rada škole ;
- upoznaje organe škole sa svojim zaključcima, prijedlozima i stavovima o svim pitanjima koje razmatra u okviru svoje nadležnosti;
- daje sugestije za utvrđivanje specifičnih programskih sadržaja;
- daje sugestije za izmjene i dopune pravila i drugih akata Škole i programa rada Škole, koji se odnosi na društveni život i slobodne aktivnosti učenika;
- bira svoje predstavnike za učešće u radu organa Škole, kada se raspravlja o pitanjima koje je Vijeće pokrenulo;
- daje mišljenje o prijedlozima za izricanje odgojno-disciplinskih mjera;
- ostvaruje suradnju sa vijećima roditelja drugih škola radi razmjena iskustava zajedničkog rada i života u Školi;

## Član 8.

### ***Predsjednik Vijeća ovlašten je da:***

- zakazuje sve sjednice osim prve i predlaže dnevni red;
- predsjedava sjednicom;
- raspoređuje radne obaveze među članovima Vijeća;
- saziva vanrednu sjednicu Vijeća, ukoliko se ukaže potreba;
- daje riječ članovima za vrijeme sjednice;
- daje riječ ostalim članovima Vijeća da iznose stavove Vijeća.
- Potpisuje odluke i zapisnike sa sjednica Vijeća
- Predstavlja Vijeće u školi i van nje.

## Član 9.

### ***Podpredsjednik Vijeća ovlašten je da:***

- mijenja predsjednika u slučaju njegove odsutnosti;
- redovno prisustvuje sjednicama Vijeća;
- vodi zapisnik na sjednicama Vijeća.
- Vodi evidenciju o prisustvu sjednicama Vijeća.

#### Član 10.

Sjednice Vijeća se održavaju po potrebi, a najmanje dva puta u jednom polugodištu.

#### Član 11.

Sjednica se može održati ako je prisutna nadpolovična većina članova Vijeća.

U slučaju da se sjednici ne odazove nadpolovična većina članova Vijeća, rukovodstvo Vijeća može donijeti Odluku, ukoliko je to hitno, da se sjednica Vijeća održi sa prisutnim članovima.

#### Član 12.

Ako član Vijeća neopravdano izostane sa sjednice tri puta uzastopno, prestaje mu mandat u Vijeću, a razrednik tog odjeljenja iz kojeg je članu vijeća prestao mandat, predložit će Vijeću novog člana, u roku od deset dana.

#### Član 13.

Članovi Vijeća su na sjednici dužni poštovati red i disciplinu. Nepoštivanje reda i discipline povlači za sobom udaljenje sa sjednice. Ako se to ponovi na dvije uzastopno sjednice, prestaje mu mandat člana Vijeća.

#### Član 14.

Vijeće donosi odluke i dopunjava Pravilnik o radu Vijeća većinom glasova, a mijenja postojeći Pravilnik dvotrećinskom većinom, svih članova Vijeća.

#### Član 15.

Rad članova rukovodstva Vijeća prestaje istekom školske godine za koju su izabrani, s tim što mogu biti ponovo birani.

#### Član 16.

Odluka o prestanku rada člana Vijeća ili člana rukovodstva Vijeća donosi se dvotrećinskom većinom prisutnih članova Vijeća. Novi član Vijeća ili član rukovodstva Vijeća će biti izabran na prvoj narednoj sjednici.

#### Član 17.

Pravilnik stupa na snagu danom donošenja.

Broj: 1741/17.

U Zenici, dana, 21.11.2017. godine

Predsjednik Školskog odbora

\_\_\_\_\_  
/ Halilović Enver /

